



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1856**

CVI. Kurfürst Friedrich beleihet Peter, Christoph, Hans, Cune und Degenhard von Eickendorf mit Reichenberg bei Friedland, Schulzendorf, Mögelin, Herzborn, so wie mit Antheilen an Wustrow, Barnim &c., ...

[urn:nbn:de:hbz:466:1-54728](https://nbn-resolving.org/urn:nbn:de:hbz:466:1-54728)

CVI. Kurfürst Friedrich beleiht Peter, Christoph, Hans, Cune und Degenhard von Gickendorf mit Reichenberg bei Friedland, Schulzendorf, Mögelin, Herzhorn, so wie mit Antheilen an Busfrow, Barnim etc., am 11. März 1448.

Wir fridrich, von gots gnaden marggraue czu Brandenburg, des heyligen Romischen Reichs Erczkamer vnd Burggraue czu Nuremberg, Bekennen —, das wir vnnsren lieben getruwen peter, Cristoffer, hannsen, Cone, gebrudern, vnd degenharden, Irem vetter, genannt von Eyckenndorp, czu einem Rechtem manlehen vnd czu gesampten handen gnediglich verlihen haben disse nachgeschribene dorffer, Rente vnd czinse, mit namen Rickenberg, by dem Closter frydelandt gelegen, Schultendorff, Magelin, herczhoren, mit allen Iren genaden, gerechtigkeitten, gewonheiten, fryheiten, czinssen, Renten, nuzen, holzeren, weyden vnd mit aller czugehorung, So denn vor alder czu denselben dorffern gehört hat vnd sich der Ir vorfaren gebrucht vnd genossen haben, den sechsten teyl In dem dorpp czu wusterow, den Sechstenteyl In dem dorpp czu barn, den czwelftenteyl vnd czwu huben In dem dorpp czu brifzdorp vnd czwu huben In dem dorp czu ylow. Wir verlihen auch dem obgnannten peter, Cristoffer, hannsen, Cone, gebruder, vnd degenharden, Iren vettern, von Eyckendorp, solch vorgnannte dorffer, huben vnd die sechstenteyle In den dorffern wusterow vnd barn vnd den czwelftenteyl In dem dorff brifzdorff mit allen vnd Igleichen gnaden, freyheyten, gerechtigkeitten, guten, Renten, czinsen vnd aller czugehörung, so denn Ir Eltern die von vnnsren vorfaren, der marggraffschafft czu Brandenburg, czu manlehen gehabt, gebraucht, besessen vnd genossen haben, czu einem rechten manlehen vnd czu gesampten handen, In crafft vnd macht dises briues etc. — Geben czu Spandaw, Am Mantag nach Judica, nach cristi vnres herren geburt vierzehenhundert vnd darnach Im Acht vnd vierzigstem Jaren.

Nach dem Churmärk. Lehnscopialbuche XX, 92.

CVII. Kurfürst Friedrich gestattet denen von Plathen zu Brögel, das Oderbruch zwischen Wriegen und Bliesdorf urbar zu machen, am 2. April 1448.

Zu wissen, das myn gnediger herr Czacharias vnd hanns platen, czu preczel gefessen, gegunnet vnd erlobt hat, das aderbruch czwischen der wreczen vnd vlyszdorf gelegen, das da greniczt an die schulzendorf weizen vnd an das felt czu wreczen, uf czu rumen vnd czu gebruchen bisz vf meines herren widerrufen. Geschehin czu Spanndaw, am dinstag nach Quasimodogeniti etc., anno domini quadragesimo octauo.

Nach dem Churmärk. Lehnscopialbuche XX, 183.